

脉經卷之五

張仲景論脉第一

扁鵲陰陽脉法第二

扁鵲脉法第三

扁鵲華陀察聲色要訣第四

扁鵲胗諸反逆死脉要訣第五

張仲景論脉第一 凡二條

問曰脉有三部陰陽相乘榮衛氣血在人体躬

千金作而行人躬呼吸出入上下於中因息遊布津液

流通隨時動作倣象形容春弦秋浮冬沉夏洪
察色觀脉大小不同一時之間變無經常尺寸
參差或短或長上下垂錯或存或亡病輒改易
進退低昂心迷意惑動失紀綱顧為縷陳令得
分明

師曰予之所問道之根源脉有三部尺寸及關
榮衛流行不失衡銓腎沉心洪肺浮肝弦此自
經常不失銖分出入升降漏刺周旋水下二刺
脉一周身旋復寸口虛實見焉變化相乘陰陽

相干風則浮虛寒則緊弦沉潛水溜肢飲急弦
動弦為痛數洪熱煩設有不應知變所緣三部
不同病各異端太過可怪不及亦然邪不空見
中必有奸審察表裏三焦別分知邪所舍消息
胗看料度腑藏獨見若神為子條記傳與賢人

扁鵲陰陽脉法第二 凡十一條

脉平旦曰太陽日中曰陽明晡時曰少陽黃昏
曰少陰夜半曰太陰雞鳴曰厥陰是三陰三陽
時也

少陽之脉乍小乍大乍長乍短動搖六分至十一月甲子夜半正月二月甲子王

太陽之脉洪大以長其來浮桡筋上動搖九分三月四月甲子王

陽明之脉浮大以短動搖三分大前小後狀如科斗其至跳五月六月甲子王

少陰之脉緊細動搖六分至五月甲子日中七月八月甲子王

太陰之脉緊細以長乘桡筋上動搖九分九月

十月甲子王

厥陰之脉沉短以緊動搖三分十一月十二月

甲子王

厥陰之脉急弦動搖至六分以上病遲脉寒少

腹痛引腰形喘者死脉緩者可治刺足厥陰入

五分

遲脉二
字疑衍

少陽之脉乍短乍長乍小乍大動

搖至六分以上病頭痛脇下滿嘔可治擾即死

一作偃可
治偃即死

刺兩季肋端足少陽也入七分

陽明之脉洪大以浮其來滑而跳大前細後狀

如科斗動搖至三分以上病眩頭痛腹滿嘔
可治擾即死刺臍上四寸臍下三寸各六分

從二月至八月陽脉在表從八月至正月陽脉
在裏附陽脉強附陰脉弱至即驚實則痢癰和
而沉不痢癰即泄泄即煩煩即渴渴即腹滿滿
即擾擾即腸澼澼即脉代乍至乍不至大而沈
即欬欬即上氣上氣甚則肩息肩息甚則口舌
血出甚即鼻血出

變出寸口陰陽表裏以互相乘如風有道陰脉

乘陽也寸口中前後溢者勞風寸口中外實內不滿者三風四溫寸口者勞風勞風者大病亦發駛行汗出亦發與風者上下微微扶骨是其診也表緩腹內急者與風也猥雷實夾者飄風從陰趨陽者風邪一來調一來速鬼邪也陰緩陽急者表有風來入藏也陰急者風已抱陽入腹上逌逌下宛宛不能至陽流飲也上下血微陰強者為漏癖陽強者酒癖也偃偷不過微反陽澹漿也陰扶骨絕者從寸口前頓趨於陰汗

水也來調四布者欲病水也陰脉不偷陽脉傷
復少津寸口中後大前兌至陽而實者癖食小
過陽一分者七日癖二分者十日癖三分者十
五日癖四分者二十日癖四分中伏不過者半
歲癖敦敦不至胃陰一分飲鋪餌癖也外勾者
久癖也內卷者十日以還外強內弱者裏大核
也并浮而弦者汁核并浮緊而數如沉病暑食
粥一作微有內緊而伏麥飯若餅寸口脉倚陽緊
細以微瓜菜皮也若倚如緊薺藏菜也牘牘無

數生肉癰也附陽者灸肉癰也小倚生浮大如故生麥豆也

扁鵲脉法第三

凡三條

扁鵲曰人一息脉二至謂平脉体形無苦人一息脉三至謂病脉一息四至謂痺者脫脉氣其眼睛青者死人一息脉五至以上死不可治也都一作息病脉來動取極五至病有六七至也

疑有
闕文

扁鵲曰平和之氣不緩不急不滑不濇不存不

亡不短不長不俛不仰不縱不橫此謂平脉腎

一作受如此剛一作身無苦也後八字疑衍

扁鵲曰脉氣弦急病在肝少食多厭裏急多言
頭眩目痛腹滿筋攣癰疾上氣少腹積堅時時
唾血咽喉中乾相疾之法視色聽聲觀病之所
在候脉要訣豈不微乎脉浮如數無熱者風也
若浮如數而有熱者氣也脉洪大者又兩乳房
胡脉復數加有熱寒此傷寒病也若羸長病如
脉浮溢寸口復有微熱此疰氣病也如復欬又

多熱乍劇乍差難治也又療無劇者易差不效者易治也

疑有闕文

扁鵲華陀察聲色要訣第四 凡七十五條

病人五藏已奪神明不守聲嘶者死

病人循衣縫譫言者不可治

病人陰陽俱絕掣衣掇空妄言者死

病人妄言錯亂及不能語者不治熱病者可治

病人陰陽俱絕失音不能言者三日半死

病人兩目皆有黃色起者其病方愈

病人面黃目青者不死青如草滋死

病人面黃目赤者不死赤如衄血死

病人面黃目白者不死白如枯骨死

病人面黃目黑者不死黑如炅死

病人面目俱等者不死

病人面黑目青者不死

病人面青目白者死

病人面黑目白者不死

病人面赤目青者六日死

病人面黃目青者九日必死是謂亂經飲酒當
風邪入胃經膽氣妄泄目則為青雖有天救不
可復生

病人面赤目白者十日死憂恚思慮心氣內索
面色反好急求棺槨

病人面白目黑者死此謂榮華已去血脉空索
病人面黑目白者八日死腎氣內傷病因留積
病人面青目黃者五日死

病人著床心痛短氣脾竭內傷百日復愈能起

徬徨因坐於地其立倚床能治此者可謂神良

病人面無精光若土色不受飲食者四日死

病人目無精光及牙齒黑色者不治

病人耳目鼻口有黑色起入於口者必死

病人耳目及顴頰赤者死在五日中午

病人黑色出於額上髮際下直鼻脊兩顴上者

亦死在五日中午

病人黑氣出天中下至年上顴上者死

千金翼云天中

當鼻直上至髮際年

上在鼻上兩目間

病人及健人黑色若白色起入目及鼻口死在三日中

病人及健人面忽如馬肝色望之如青近之如黑者死

病人面黑目直視惡風者死

病人面黑唇青者死

病人面青唇黑者死

病人面黑兩脇下滿不能自轉反者死

病人目直視肩息者一日死

病人頭目久痛卒視無所見者死

病人陰結陽絕目精脫恍惚者死

病人陰陽絕竭目眶陷者死

病人目系傾者七日死

病人口如魚口不能復閉而氣出多不反者死

病人口張者三日死

病人唇青人中反三日死

病人唇反人中滿者死

病人唇口忽乾者不治

病人爪甲青者死

病人爪甲白者不治

病人手足爪甲下肉黑者八日死

病人榮衛竭絕面浮腫者死

病人卒腫其面蒼黑者死

病人手掌腫無文者死

病人臍腫反出者死

病人陰囊莖俱腫者死

病人脉絕口張足腫五日死